

# Ngā mea i rongō ai mātou



## Social Cohesion Guide

### He whakarāpopototanga o ngā mea i rongō ai mātou nō mātou ka kōrero ki ngā hapori mō te social cohesion.

I tuku Te Kōmihana Uiui a Te Karauna ki te whakaeke kaiwhakatumua i te 15 o Poutūterangi 2019 i ngā tohutohu ki te whakapai ake i te social cohesion i Aotearoa. Hei wāhanga o te mahi kia whakatinanatia aua tohutohu, ka kōrero te Manatū Whakahiato Ora (MSD) ki te tino whānui o ngā tāngata me ngā hapori mō te whakaahutanga o tētahi rautaki kia whakapai ake ai, kia ine ai hoki i te social cohesion puta noa i Aotearoa. I tū aua kōrerorero, whakawhitiwhiti kōrero rānei i waenga i te Hōngongoi 2021 me te Poutūterangi 2022.

E ai ki ngā kaiwhakauru i aua hui he raru mō te social cohesion i Aotearoa, ā, ka kōrero rātou mō ngā wheako e pā ana ki te whakatoihara, ki te pēheatia kētia rānei nā tō rātou ira, nā tō rātou whakapono, nā tō rātou hōkakātanga, nā tō rātou wāhi noho, nā ētahi atu rerekētanga rānei te take. Tokomaha ngā tāngata i pāngia e ngā momo whakatoihara maha i te wā kotahi, nānā nei i whakarahi ō rātou wheako kino. E hiahia ana rātou kia whai tikanga, kia whakautetia hoki aua rerekētanga ka mahue te whakatuturi, te whakawhānui rānei.

E kōrerorero ana ngā kaiwhakauru mō te hononga kaha i waenga i Te Tiriti o Waitangi me te social cohesion. I mōhiotia ka taea e Te Tiriti o Waitangi te whakaako ngā akoranga whai tikanga ki a mātou mō te whakapakari o te social cohesion i waenga i ngā tāngata katoa i Aotearoa, ehara i waenga i ngāi Māori anake. Waihoki, e hiahia ana ngā kaiwhakauru kia nui ake ngā rauemi, ngā pūtea rānei hei tautoko i ngā whakapau kaha ki te social cohesion.

I matapaki tahitia me ngā kaiwhakauru he tikanga mō te social cohesion. I muri i ā rātou tuku kōrero, ko te tikanga o social cohesion ko tēnei: Katoa ngā tāngata, ngā whānau me ngā hapori e noho taurikura ana, e noho huānga ana, ā, e whakautetia ana i Aotearoa. E kaha ana te tautoko o ngā kaiwhakauru i roto i te tikanga ko ngā kupu 'te noho huānga', 'te whakaute', me 'te tōkeke'.

Waihoki kua kōrerorero tahitia me ngā kaiwhakauru ngā wāhi mahi e ono kia whāia e mātou kia tutuki ai te social cohesion, i runga anō i te rangahau o te wā mō te social cohesion. Ā muri i tā rātou tuku kōrero kua whakahoungia pēneitia ngā wahi e ono:

1. te whakatoihara, te tūkinu rānei i ngā tangata nā ō rātou rereketānga te take;
2. ngā āheinga ngākaupai kia tupu ai, kia kōtui ai ngā rōpū kanorau;
3. te whai wāhitanga ki ngā koringa whai tikanga;
4. te toiora me ngā aukati ki te toiora;
5. te kauawhi me ngā uara e tuari tahitia ana;
6. te tiaki i tō tātou nei pāpori me te taiao mā ngā reanga e heke mai nei.

I roto i taua kōrerorerotanga mō aua wāhi e ono ka kōrerorerotia ngā take hirahira e pā ana ki te tōkeke, ki te kaha, ki te whakakino, ki te whakawhirinaki, ki te kanorau me te tuakiri. E ai ki ngā kaiwhakauru e ōrite ana te nui o aua wāhi e ono kia tutuki ai te social cohesion. Ko ngā wāhi e ono kia arotia ka whakapakari, ka tautoko, ka whakawhānui hoki i te mahi e mahia kētia nei e ngā umanga kāwanatanga hei tautoko i te social cohesion i Aotearoa.

Nō te tukuna atu o te pātai ka pēhea te āhua o te social cohesion i Aotearoa, ka kōrero ngā kaiwhakauru mō te hanganga o tētahi taiao ka kitea te noho huānga, te tōkeke, te whakaute me te whakawhirinaki, i reira rā ka taea kia kaha te whai wāhitanga o ngā tāngata katoa. I tātāritia, i whakamahia hoki tēnei tuku kōrero kia whakaahutia tētahi huinga putanga mō te social cohesion kia āwhina ai ki te aromātai me te ine i te anga whakamua ki te social cohesion.

Kua auahatia kahatia te rautaki ki te whakapai ake i te social cohesion i Aotearoa e te tuku kōrero me ngā whakaaro mai i aua kōrerorero, i aua whakawhiti kōrero rānei i te taha o te kanorau o ngā kaiwhakauru.

